

Rydych wedi dewis gweithgareddau ar gyfer disgyblion oedran cynradd. Isod, cewch hyd i weithgareddau cyflym i gyd-fynd â'n cynllun gwers manwl i ategu'r thema, 'Gadewch i Ni Greu Rhyngrwyd Gwell Gyda'n Gilydd'.

1. Y pethau rydym yn eu hoffi am y rhyngrwyd

Gofynnwch i'ch disgyblion greu posteri, clipiau fideo, caneuon, sgetshis drama neu ffilmiau byr munud o hyd, sy'n rhoi manylion ynglŷn â'u hoff safleoedd, gwasanaethau, technolegau a gemau ar-lein. Gellid rhoi'r rhain ar wefan yr ysgol neu MLE. (Cofiwch y gall fod angen trafod pwysigrwydd terfynau oedran os oes gennych ddisgyblion sy'n defnyddio gwasanaethau rhwydweithio cymdeithasol. Atgyfnerthwch pam y gosodir terfynau oedran a chanmolwch y disgyblion hynny sy'n defnyddio'r gwasanaethau cywir ar gyfer eu hoedran). Fel dosbarth, gallech lunio rhestr o'ch 10 hoff weithgaredd ar-lein, a gweld sut mae'r rhain yn cymharu â dosbarthiadau neu grwpiau blwyddyn eraill.

2. Fy myd ar-lein perffaith

Trafodwch gyda'ch disgyblion sut olwg fyddai ar fyd ar-lein perffaith. Pa fathau o safleoedd a gwasanaethau y bydden nhw eisiau eu defnyddio?

Anogwch eich disgyblion i feddwl yn eang a chreadigol am yr hyn y byddent yn ei gynnwys (h.y. nid gemau'n unig, ond beth y byddent yn ei ddefnyddio i ddod o hyd i wybodaeth, i ddysgu, cyfathrebu a rhannu cynnwys), a hefyd sut byddai disgwyl i bobl ymddwyn yn y byd hwn, a pha offer y gallai fod ar gael i'w helpu nhw.

Gall disgyblion weithio mewn grwpiau neu'n annibynnol i lenwi'r daflen waith 'Fy Myd Ar-lein Perffaith' (Atodiad 1). Gallent hefyd gynnwys syniadau ar gyfer safleoedd a gwasanaethau nad ydynt wedi cael eu dyfeisio eto a allai fodloni angen sydd ganddynt!

Caniatewch y disgyblion i adrodd eu syniadau yn ôl i'r dosbarth.

3. Tair seren a dymuniad

Gofynnwch i'r disgyblion beth maen nhw'n ei wneud i wneud y rhyngrwyd yn lle gwell. Efallai eu bod nhw'n creu eu cynnwys eu hunain ac yn ei lanlwytho (fel fideos, animeiddiadau, gemau, apiau a.y.y.b.) ond gallant hefyd ystyried eu hymddygiad ar-lein a sut y gall eu hymddygiad helpu i ffurfio rhyngrwyd gwell (gan ddefnyddio eu moesau, dangos parch wrth siarad â phobl eraill ar-lein, adrodd sylwadau/cynnwys sy'n cynhyrfu/amhriodol.)

Ar y daflen 'Tair Seren a Dymuniad' (Atodiad 2), gall disgyblion lenwi'r tri pheth y maen nhw eisoes yn eu gwneud i wneud rhyngrwyd gwell (ar y sêr), ac un peth newydd y maent yn bwriadu ei wneud (ar y cwmwl).

Rhowch gyfle i ddisgyblion rannu a chymharu eu sêr a'u dymuniadau. Pa syniadau/themâu sydd fwyaf pwysig ym marn y dosbarth?

4. Gadewch i Mi Ddweud Eich Ffortiwn!

Rhowch her i'ch disgyblion i wneud eu cardiau dweud ffortiwn eu hunain, a'u haddasu i'w negeseuon diogelwch cadarnhaol eu hunain, a gweld faint o bobl y gallant rannu eu negeseuon â nhw!

- Argraffwch ddigon o'r cardiau dweud ffortiwn atodedig yn **Atodiad 3** ar gyfer eich dosbarth.
- Gan gadw at thema Diwrnod Defnyddio'r Rhyngrwyd yn Fwy Diogel eleni, gofynnwch i'ch disgyblion lenwi'r rhan wag gyda'u neges defnyddio'r rhyngrwyd yn fwy diogel eu hunain, gan wneud yn siwr ei bod yn adlewyrchu "Gadewch i ni greu rhyngrwyd gwell gyda'n gilydd". (mae'r adrannau hyn wedi cael eu marcio â....)
- Dilynwch y cyfarwyddiadau yn **Atodiad 3** ar sut i blygu eich cerdyn dweud ffortiwn a dangoswch i'ch disgyblion sut i wneud hyn.
- Esboniwch reolau'r gêm.
 - **Cam 1** Gofynnwch i'ch ffrindiau ddewis rif o ochr allanol eich cerdyn.
 - **Cam 2** Agorwch eich cerdyn i'r gwrthwyneb fel ei fod yn gweddu i'r rhif y dewisodd eich ffrind.
 - **Cam 3** Gofynnwch i'ch ffrind ddewis rhif arall, o'r tu mewn y tro hwn.
 - **Cam 4** Ailadroddwch Gam 2 gan ddefnyddio'r rhif newydd.
 - **Cam 5** Gofynnwch i'ch ffrind ddewis rhif arall o'r tu mewn.
 - **Cam 6** Agorwch fflap y rhif hwnnw i ddatgelu eu neges ddiogelwch!
- Gosodwch yr her o roi cynnig arno gyda chymaint o bobl â phosibl. Rhowch gynnig arno gyda rhieni, athrawon, ffrindiau yn y maes chwarae, goruchwyliwr amser cinio, mam-guod a thad-cuod... unrhyw un rydych chi eisoes yn ei adnabod ac yn ymddiried ynddo!

DIWRNOD DEFNYDDIO'R RHYNGRWDYD YN FWY DIOGEL 2014

Gweithgareddau Cyflym yn yr Ystafell Ddosbarth


Atodiad 1 - Fy myd ar-lein perffaith



DIWRNOD DEFNYDDIO'R RHYNGRWDYD YN FWY DIOGEL 2014

Gweithgareddau Cyflym yn yr Ystafell Ddosbarth

Atodiad 2 - Tair seren a dymuniad




Gweithgareddau Cyflym yn yr Ystafell Ddosbarth
Atodiad 3 - Cardiau Dweud Ffortiwn


Cardiau Dweud Ffortiwn i'w defnyddio gyda
**Gweithgaredd 4: Gadewch i Mi Ddweud Eich
Ffortiwn**




Sut i Wneud Eich Cardiau Dweud Ffortiwn ar gyfer Diwrnod Defnyddio'r Rhyngwrwyd yn Fwy Diogel




1. Plygwch eich darn o bapur yn ei hanner yn groeslinol. Agorwch y darn o bapur a'i blygu'n groeslinol y ffordd arall.



2. Trowch eich sgwâr drosodd fel bod yr ochr wag wyneb i fyny, yna plygwch bob un o'r pedwar cornel i'r canol.



3. Trowch eich papur drosodd fel bod y plygiadau rydych newydd eu gwneud wedi'u troi i lawr. Yna, plygwch y corneli i'r canol unwaith eto.



4. Plygwch eich papur yn ei hanner yn fertigol, yna ei agor. Nawr, plygwch y papur yn ei hanner yn llorweddol ac yna ei agor.



5. Rhowch eich bysedd o dan y pedwar cornel agored a phinsio'r papur.